

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Коми Республикаса Княжпогост районлөн Емва кар мутасын лэбачьяслөн зэв патогенной грипп аддзёмкөд йитöдын дзескөдан мероприятияяс (карантин) урчитöм йылысь

«Ветеринария йылысь» Россия Федерацияса Оланпаслөн 3¹ да 17 статьяяс, «Пемöсьяслөн вуджан, сы лыдын торья öпасной, висьöмьяслысь, кутшöмьяс серти вермöны урчитны дзескөдан мероприятияяс (карантин), лыддьöг вынсьöдöм йылысь» Россия Федерацияса видз-му овмöс министерстволөн 2011 во öшым тöлысь 19 лунся 476 №-а да «Öлöдан, диагностика вöчан, дзескөдан да мукöд мероприятие збыльмöдан, карантин да мукöд дзескөдöм, кутшöмьясöс веськөдöма сы вылö, медым видзчысьны лэбачьяслөн зэв патогенной грипп паськалöмысь да бырöдны висьманіньяссö, урчитан да дугöдан ветеринарной правилöяс вынсьöдöм йылысь» Россия Федерацияса видз-му овмöс министерстволөн 2021 во рака тöлысь 24 лунся 158 №-а тшöктöдьяс серти (водзö – Ветеринарной правилöяс), «Коми Республикаса Княжпогост районлөн Емва кар мутасын лэбачьяслөн зэв патогенной грипп аддзёмкөд йитöдын дзескөдан мероприятияяс (карантин) урчитöм йылысь» Коми Республикаса видз-му овмöс да потребительской рынок министрлөн 2023 во моз тöлысь 21 лунся представление подув вылын шуа:

1. Урчитны Княжпогост районлөн Емва кар мутасын лэбачьяслөн зэв патогенной грипп серти дзескөдан мероприятияяс (карантин) 2023 вося моз тöлысь 21 лунсянь лэбачьяслысь зэв патогенной грипп бырöдан мероприятияяс нуöдны помавтöдз период вылö.

2. Дзескөдан мероприятияяссö (карантинсö) колö дугöдны Ветеринарной правилöясөн урчитöм мероприятияяс нуöдöм бöрын.

3. Урчитны, мый зэв патогенной гриппön эпизоотической висьманінön лоö татшöм инпас серти аспом подсобной овмöслөн мутасыс: Коми Республика, Княжпогост район, Емва к., Ачим м., Лунвыв ул., 1а.

4. Урчитны öпасной зона мутасын, мый лоö веськыда орччөн эпизоотической висьманінкөд эпизоотической висьманінлөн мудорьясянь 10 километрöдз радиусөн Коми Республикаын Княжпогост районлөн Емва карса, Виз сиктса, Удор грездса, Злоба грездса, Рак грездса мутасьяслөн мудорьясын, эпизоотической лоöмторсö, месталысь ландшафтын да географияын аслыспöлöслуньяссö, тайö зонаын меститчысь олан пунктьяс, овмöсьяс костын овмöс, транспорт да мукöд йитöдсö тöд вылö босьтöмөн.

5. Урчитны видзöдан зонасö мутасын, мый лоö орччөн öпасной зонакөд 15 километрöдз радиусөн, сы лыдын Коми Республикаса Княжпогост районлөн Керös, Кыркötш, Пöлöвник, Анюша, Катыв Тыла, Кывтыд Тыла, Петкоя, Шöр Тыла грездьяс, Тракт сикт кодь посёлок, Сьöська сикт, эпизоотической лоöмторсö, месталысь ландшафтын да географияын аслыспöлöслуньяссö да тайö зонаын меститчысь олан пунктьяс, овмöсьяс костын овмöс йитöдьяссö тöд вылö босьтöмөн.

6. Дугодны дзескөдан мероприятияяслөн (карантинлөн) вына период вылө:

1) эпизоотическөй висьманінын:

висьысь лэбачьясөс бурдөдөмсө;

бокөвөй йөзөн мутасө волөмсө, уджалысьяс кындзи, кодьяс збыльмөдөны производственнөй (технологическөй) операцияс, сы лыдын лэбачьясөс видзөм серти, канму ветеринарнөй службаса специалистьяс да висьманін бырөдны корөм уджалысьяс, йөз кындзи, кодьяс олөны да (либө) недыр кад кезлө воисны мутасьясө, кодөс шуөма эпизоотическөй висьманінөн;

лэбачьяс, пөжан кольк вайөмсө да нуөмсө;

лэбачьясөс мөдлаө вуджөдөмсө да выль пөв группируйтөмсө;

начкан прөдуктьяс босьтөм могысь лэбачьяс начкөмсө;

лэбачьясөс начкан прөдуктьяс да пөтка видзан мукөд продукция нуөмсө;

став сикас пемөслы вердас нуөмсө, кытчө вермисны инмывлыны висьысь лэбачьясыс;

кувсьөм лэбачьяслысь гөн да пух куштөмсө;

инвентар да мукөд материально-техническөй средство нуөмсө, кутшөмьясө вермисны инмывлыны висьысь лэбачьясыс;

лэбачьясөс лэдзавлөмөн видзөмсө;

пөжөм вылө колькьяс пуктөмсө;

транспорт средствояслысь пырөмсө да петөмсө (транспорт средствояс кындзи, кутшөмьясөн вөдитчөны эпизоотическөй висьманінсө бырөдөм серти мероприятияясын да (либө) йөзлысь уджсө могмөдигөн, кодьяс олөны да (либө) недыр кад кезлө воисны овмөс мутасө);

лэбачьясөс кыйөмсө, кутшөмьясөс пыртөма кыйсян-вөралан озырлун лыдө, кыйсян-вөралан озырлунлысь лыдсө ладмөдөм могысь кыйсьөм кындзи;

2) өпаснөй зонаын:

лэбачьясөс да пөжан кольк вайөмсө да нуөмсө;

лэбачьяслы көрым дасьтөмсө да нуөмсө;

лэбачьясөс лэдзавлөмөн видзөмсө;

видз-му овмөс ярмангаяс, выставкаяс, вузасьөмьяс да мукөд мероприятие нуөдөмсө, кутшөмьяс йитчөмаөсь лэбачьясөс да мукөд сикас пемөсьясөс вуджөдөмкөд, новлөдлөмкөд да чукөртөмкөд;

лэбачьясөс кыйөмсө, кутшөмьясөс пыртөма кыйсян-вөралан озырлун лыдө, кыйсян-вөралан озырлунлысь лыдсө ладмөдөм могысь кыйсьөм кындзи.

7. Урчитны, мый лэбачьяслөн зэв патогеннөй гриппөн висьманін бырөдөм серти торья мероприятиеяссө, кутшөмьясөс урчитөма Россия Федерацияса ветеринарнөй оланпастэчасөн, збыльмөдөны Ветеринарнөй правилөяс серти.

8. Коми Республикаса видз-му овмөс да потребительскөй рынок министерстволы вынсьөдны лэбачьяслысь зэв патогеннөй грипп бырөдөм да висьөм босьтөдысьлөн паськалөмысь видзчысьөм серти мероприятиеяслысь план.

9. Тайӧ Индӧдыс вынсялӧ сійӧс официальнойӧ йӧзӧдан лунсянь.

Коми Республикаса Юралысь

В. Уйба

Сыктывкар

2023 вося моз тӧлысь 21 лун

96 №